

mum tanquam imaginem invisibilis Dei esse diligendum. Ita id quod nemo hominum intelligit varii in varias opiniones trahunt. Quibus in rebus alii sua ingenia ostentant, alii suam auctoritatem firmant, alii quæerunt lucrum aliquod aut utilitatem, omnes autem iis quibus suas opiniones persuaferunt præesse conantur, sibi ipsis totius Scripturæ notitiam, & revelationem mysteriorum arrogantes. Homines verò simplices & indocti, qui eunt quâ itur, quo plus de magistrorum suorum doctrina & pietate credunt, eo sunt procliviores ad damnandos ad æternam perniciem omnes alios qui illos non sequuntur. Nam persuasi, se nulla ratione errare posse, coguntur omnes qui diversum sentiunt pro perniciosè errantibus judicare. Sæpe audivi quod in Anglia (quæ regio sicut in multis aliis rebus, sic præcipue in religionibus totius mundi compendium est) de ejusmodi fanaticis perhibetur, quod ita sui suarumque irrationabilium opinionum sint amantes, ut audeant propter eas divinam providentiam angusti Ecclesiarum suarum (quæ ex angustiis cujuslibet penatibus constant) terminis circumscribere. Frequenter aliquis Enthusiasta cum neminem alium in suam opinionem pertrahere potest, putat se solum esse sapientem, solum pium, solum ad singularem Dei gratiam pertinentem, omnesque homines necessariò condemnandos esse propterea quod cum illo idem non sentiant. Et quemad-

mo-